

1/ Pelegrino-bizia
nai duenak jakiñ,
erraz ikasiko du
txanpontxo batekiñ:
gure kanta berriak e
rostiarekin,
irakurtzen baditu
fedea onarekin.

2/ Pelegrinoak ditu,
nork bere modura,
esklabiñan kuskullak
solbardatik bera:
bordoyetik zintzilik
kurkubitan ura,
barrena bustitzeko
egarri bagera.

3/ Guztiz gogorak dira
samiñez beteak
sinistatu eziñik
gure naigabeak:
eta gero gañera
ez dira obeak
oñezko ibillera
nekeko luzeak.

4/ Beren gazte denboran
nekerak oitua
bear nai duenak
ikusitak mundua:
indarra, osasuna
eta soportua,
bestela laster dauka
bizia galdua.

5/ Neguan elur aize
ormakin bidean,
errupa milla puska
egiña soñean:
oñak erdi estali,
aztalak aidean,
gabaz ezin berotuz
otzak legorpean.

6/ Udako beroakin
beti eguzkitan,
kiskaltzeko zorian
ordu guztietan:
beroak erre nairik
neke izerditan,
mingaña aterarik
ose egarritan.

7/ Gure alde daukagu
gauza bat bakarrik,
ez zaigula irtetzen
bidera lapurrik:
gurekin galdu gabe
denbora alperrik,
ez diogute bada
batere bildurrik.

8/ Pelegrinatzen oñez
gatoz Erromatik,
Aita Santu Pioren
bere oñetatik:
Donostiako erria
ikusteagatik,
eta zerbait limosna
bildutzeagatik.

9/ Emendik zuzenean
daukagu -asmoa
ikusteko Patroia
Españiakoa:
Apostol Santiago
Compostela-koa,
gure fedeko santu
deboziazkoa.

10/ Uste det kanta obek
aditu ondoren
biotzik gogorrenak
bigunduko diren:
erremedia bitez
jendeak lenbailen,
esperantza orrekin
despeitzen naiz emen.